


重修政和經史證類備用本草



重修政和經史證類備用本草卷第四

增

成都唐慎微續證

續證類備用本草卷第四

救校勘

玉石部中品總八十七種

金銀鐵
土等附

一十六種神農本草經

楊子季氏

陰莖

七種名醫別錄

墨字

七種唐本先附

注云
唐附

八種今附

皆醫家嘗用有
效注云今附

三種新補

一種新分條

三種圖經餘



一種唐慎微續添

墨蓋子下是

一種唐本餘

四十種陳藏器餘

凡墨蓋子已下並唐慎微續證類

雄黃

石硫黃

雌黃

食鹽

自米部今移

水銀

石膏

玉火石附

金屑

銀屑

生銀

今附朱砂銀續注

靈砂

水銀粉

新補

磁石

磁石毛續注

玄石

綠鹽

唐附

凝水石

陽起石

孔公孽

殷孽

蜜陀僧

唐附

鐵精

鐵蕤淬鐵水針砂銀續下鐵屑刀刃犁鏡尖續注

鐵漿

元附鐵精
下新分條

秤錘

今附鐵杵故
鋸鑰匙續注

鐵華粉

附今

生鐵

鐵粉

附今

鐵落

鋼鐵

鐵

石腦

理石

珊瑚

附唐

石蠟

今附浮
石續注

長石

馬銜

附今

礪石

新補

石花

附唐

桃花石

附唐

光明鹽

附唐

石牀

附唐

膚青

馬腦

新補

太陰玄精

鹽精附
今附

車轄

附今

石蛇

圖經
餘

黑羊石

圖經
餘

白羊石

圖經
餘

一種唐本餘

銀膏

四十種陳藏器餘

天子藉田三推犁下土

社壇四角土

土地

市門土

自然灰

鑄鍾黃土

戶垠下土

鑄鐸鉏孔中黃土

甓塠中裏白灰

彈丸土

執日取天星上土

大甃中蒸土

蚡鼠壤堆上土

塚上土及磚石

桑根下土

春牛角上土

土蜂窠上細土

載鹽車牛角上土

驢溺泥土

故鞋底下土

鼠壤土

屋內墉下蟲塵土

鬼屎

寡婦床頭塵土

牀四脚下土

瓦甃

甘土

二月上壬日取土

柱下土

胡鷺窠內土

道中熱塵土

正月十五日燈盞

仰天皮

蟻穴中出土

古磚

富家中庭土


百舌鳥窠中土

猪槽上垢及土

故茅屋上塵

諸土有毒

階州雄黃



階州水窟雄黃



雄黃味苦甘平寒大溫有毒主寒熱鼠瘻惡瘡疽痔死
肌療疥蟲蠱瘡目痛鼻中息肉及絕筋破骨百節中大
風積聚癖氣中惡腹痛鬼疰殺精物惡鬼邪氣百蟲毒

勝五兵殺諸蛇虺毒解藜蘆毒悅澤人面鍊食之輕身

神仙餌服之皆飛入腦中勝鬼神延年益壽保中不飢

得銅可作金一名黃食石生武都山谷燉煌山之陽採

無時閩隱居云鍊服之法皆在仙經中以銅為金亦出黃白術中

價如金合丸皆用石門始興石黃之好者爾始以齊初涼州五市微

有所得將至都下余最先見於使人陳典籤處檢獲見十餘片伊輩

不識此是何等見有夾雌黃或謂是丹砂示吾吾乃示語并又屬覓

於是漸漸而來好者作雞冠色不臭而堅實若黥黑及虛軟者不好也

武都丘羗是為仇池宕昌亦有與仇池正同而小劣燉煌在涼州西

數千里所出者未嘗得來江東不知當復云何此藥最要無所不入唐本草

云出石門名石黃者亦是雄黃而通名黃食石而石門者最為劣爾宕昌武
都者為佳塊方數寸明澈如雞冠或以為枕服之辟惡其青黑堅者不入藥
用若火脂之而療瘡亦無嫌又云惡者名重音訓黃用熏瘡疥故名之無
別熏黃也貞觀年中以宕州新出有得方數尺者但重脆不可全致之爾
臣禹錫等奉勅撰云雄黃神農苦山陰有丹雄黃生山之陽故曰雄
是丹之雄所以名雄黃也水經云黃水出零陽縣西北連巫山溪出雄黃
頗有神異採常以冬月祭祀鑿石深數丈方得故溪水取名焉抱朴子云雄
黃當得武都山所出者純而無雜其赤如雞冠光明晬晬者乃可用耳其但

純黃似雌黃色無光者不任作仙藥可以合理病藥耳云雄黃

金由也殺百毒又名黃石味辛有大毒能治尸疰辟百邪鬼魅殺蠱毒

人佩之鬼神不能近入山林虎狼伏涉川濟毒物不敢傷云雄黃

君云按石黃今人敲取中精明者為雄黃外黑者為重黃主

惡瘡殺蟲重瘡疥蟻蝨及和諸藥熏嗽其武都雄黃燒不臭重黃中者

燒則臭以此分別之云通名未之是也曰雄黃云雄黃微毒治疥癬

風邪癰瘤嵐瘴切蛇蟲犬獸傷咬久服不飢通赤亮者為上驗

之可以協蟲死者為真臭氣少細嚼口中含湯不激粹者通用

經雄黃生武都山谷燉煌山之陽今階州山中有之形塊如丹砂

有形色似真而氣臭者名臭黃並不入服食藥只可療瘡疥耳其臭

以醋洗之便可斷氣足以亂真用之尤宜細辨又階州接西戎界出

一種水窟雄黃生於山巖中有水泉流處其石名青煙石白鮮石雄黃

出其中其塊大者如胡桃小者如栗豆上有孔竅其色深紅而微紫

體極輕虛而功用勝於常雄黃丹竈家尤所貴重或云雄黃金之苗也

故南方近金坑冶處時或有之但不及西來者真好耳謹案雄黃治瘡

瘍尚矣周禮瘍醫凡療瘍以五毒攻之鄭康成注云今醫方有五毒之藥

作之合黃堇音武置石膽丹砂雄黃礬石礬石其中燒之三日三夜

其煙上著以雞羽掃取之以注創惡肉破骨則盡出故翰林學士楊億

常筆記直史錦楊岨年少時有瘍生於頰連齒輔車外腫若覆甌內

潰出膿血不輟吐之痛楚難忍療之百方彌年不差人語之依鄭法合

燒藥成注之創中少頃朽骨連兩牙潰出遂愈後便安寧信古方攻

病之速也黃整若今市中所貨有蓋瓦合也近世合丹藥猶用黃瓦甌亦名黃整事出於古也

雷公云

凡使勿用黑雞黃自死黃

夾膩黃其臭黃真似雄黃只是臭不堪用時人以醋洗之三兩度便無臭氣勿誤用也次有夾膩黃亦似雄黃其內重黃重石不堪用次有黑雞黃亦似雄黃如烏雞頭上冠也凡使要似鷓鴣鳥肝色為上凡修事先以甘草紫背天葵地膽碧稜花四件並細剉每件各五兩雄黃三兩下東流水入坩堝中煮三伏時漉出搗如粉水飛澄去黑者熬乾再研方入藥用其內有劫鐵石是雄黃中有又號赴矢黃能劫於鐵並不入藥用

聖惠方 治傷寒狐惑毒蝕下部肛外如蟹痛痒不止以雄黃半兩先用瓶子一箇口大者內入灰上如裝香

火將雄黃燒之候煙出當病處熏之

外臺秘要 治骨蒸極熱以二兩和小便升研如粉乃取黃理石一枚方圓可一尺以炭火燒之三食頃極熱灌雄黃汁於石上恐大熱不可近宜著片薄檀置石上令患人脫衣坐石上冷傳以衣被圍遶身勿令藥氣泄出經三五度

又方 治箭毒搗為末傳之沸汁出愈亦療蛇咬毒

千金方 治婦人始覺有妊養胎轉差

又方 治耳聾以雄黃硫黃等分為末綿裹塞耳中

又方 卒中鬼擊及刀兵所傷血漏腹中不出煩滿欲絕雄黃粉酒服

一刀圭日三服化血為水

又方 治癰瘰積聚去三尸益氣延年却老以雄黃二兩餅塊塞筒口蒸七度用好粉脂一兩為丸如菉豆大日服三服酒下七丸十九年後道成益力不飢王女來侍

時後方 若血內漏者以雄黃

末如大豆內瘡中又服五錢匕
血皆化為水卒以小便服之
經驗方 治馬汗入肉雄黃白礬等分
更用烏梅三箇槌碎巴豆一

箇合研為細末以半
錢匕油調傳患處
斗門方 辟魔以一塊
帶頭上妙
博濟方 治偏頭疼至靈
散雄黃細辛等

分研令細每用一字已下左邊疼
吹入右鼻右邊疼吹入左鼻立効
續十全方 治纏喉風雄黃一塊新
汲水磨急灌吐下差
集

驗方 治卒魔雄黃搗為末細
篩以管吹入鼻孔中
傷寒類要 治小腹痛滿不得小便及
療天行病雄黃細研蜜丸

如棗核內
又方 殺齒蟲以末
如棗塞牙間
抱朴子 餌之法或以蒸煮或以酒服
或以消石化為水乃發之或

以猪脂裹蒸之於赤土下或以松脂和之或以三物煉之引之如布白如冰服
之皆令人長生百病除三尸下癰痕滅白髮黑墮齒生千日王女來侍可使

鬼神又云王女常以黃玉為誌大如黍米在鼻上是真王女無此誌者
鬼試人也帶雄黃入山林即不畏蛇若蛇中人以少許末傳之登時

愈蛇雖多品惟蝮蛇青蝻金蛇中人為至急不治一日即死人不曉
治之方術者為二蛇中人即以刀急割瘡肉投地其肉沸如火炙須

更盡焦而人得活也此蛇七月八月毒盛之時不
得噬人其毒不泚乃以牙刺大竹木即亦焦枯
太平廣記 劉無名成

都人也志希延生謂古方草木之藥但愈疾得效見火輒為灰燼自
不能固豈有延生之力哉乃入霧中山嘗遇人教服雄黃凡三十餘

年一旦有二人赤巾朱服徑詣其室劉問何人對曰我泰山直事追
攝子耳不知子以何術我已三日冥期迫促而無計近子將欲陰符

譴責以稽延獲罪故見形相問劉曰余無他術但冥心至道不視聲
利靜處幽山志希度世而已二使曰子之黃光照灼於頃迨高數尺
得非雄黃之功乎今子三尸已去而積功未著大限既盡將及死期
豈可苟免劉聞其語心寃憂迫不知所為二使謂之曰岷峨青城神
仙之府可以求真師訪尋要道我聞鉉汞朱髓可致沖天此非高真
上仙須得修煉之旨復入青城北崖之下見一洞行數里忽覺平博
殆非人世遇神仙居其間云青城劉真人劉祈叩再三具述所值鬼
使追攝之由願示要道以拔沉淪賜度生死之苦真人指一巖室使
栖止其中復令齋心七日乃視其陽爐陰鼎柔金煉化水玉之方伏
汞鍊鉉成朱髓之訣狐剛子陰長生皆得此道亦名金液九丹之經
丹分三品以鉉為君以汞為臣八石為使黃牙為田君臣相得運火
功全七日為輕冰二七日變紫鋒三七日五彩具內赤上黃狀如憲
塵復運火二年日周六百再經四時重履長至初則十月離胞胎已
成初品即能乾汞成銀丸而服之可以祛疫二年之外服者延年益
筭白髮反黑三年之後服之刀圭散居名山周遊四海為初品地仙
服之半劑變化萬端坐在立亡駕馭飛龍白日昇天大都此藥經十
六節已為中品便能使人長生藥成之日五金八石黃牙諸物與君
臣二藥不相雜亂千日功畢名上品還丹謹而藏之勿示非人世有
其人視形氣功行合道依而壽之劉受丹訣還霧中山築室修煉三
年乃成開成二年猶駐於蜀自述無名傳以示後人入青城山去不
知所終矣

太上八帝玄變經

小丹法用雄黃栢子拘魂制魄方栢子
細篩去滓松脂十斤以和栢子雄黃各

二斤色如赤李合藥曰中復嚮如蒸藥一日如餌
正坐北向平旦頓服五丸百日之後與神人交見

明皇雜錄

有書門奉

使交廣迴周顧謂曰此人腹中有蛟龍上驚問黃門曰卿有疾否曰
臣馳馬大庾嶺時當大熱困且渴遂飲水覺腹中堅痞如石周遂以
消石及雄黃煮服之立吐一物長數寸大如指視之鱗甲具投之水
中俄頃長數尺復以苦酒沃之如故以器覆之明日已生一龍矣上
甚訝

唐書

甄立言究習方書仕唐為太常丞有道人心腹滿煩彌
二歲立言訖曰腹有蠱誤食蟻而然令餌雄黃一劑少

選吐一蛇如人小指惟無目燒之有蟻氣乃愈

寶藏論

雄黃若以草藥伏住者熟鍊成汁胎色不移若將制諸藥成汁

并添得者上可服食中可點銅成金下可變銀成金

丹房鏡源

雄黃千年化為黃金


衍義曰

雄黃非金苗今有金窰處無雄黃金條中言金之所生處
處皆有雄黃豈處處皆得也別法治蛇咬焚之燠蛇遠去

又武都者鑄磨成物形終不免其臭唐甄立言仕為太常丞有道人
病心腹懣煩彌二歲診曰腹有蠱誤食蟻而然令餌雄黃一劑少選
吐一蛇如拇指無目燒之有蟻氣乃愈此殺毒蟲之驗也

石硫黃

廣州石硫黃



榮州土硫黃



石硫黃味酸溫大熱有毒主婦人陰蝕疽痔惡血堅筋

骨除頭禿療心腹積聚邪氣冷癖在脅欬逆上氣脚冷

痿弱無力及鼻衄惡瘡下部蠱瘡止血殺疥蟲能化金

銀銅鐵奇物生東海牧羊山谷中及太山河西山礬石液

也陶隱居云東海郡屬北徐州而箕山亦有今第一出扶南林邑色如鵝子初出殼名崑崙黃次出外國從蜀中來色深而煌煌俗方

用之療脚弱及痼冷甚良仙經頗用之所化奇物並是黃白術及合丹法此云礬石液今南方則無礬石恐不必爾

呂禹錫等謹案吳氏

云硫黃一名石留黃神農黃帝雷公鹹有毒醫和扁鵲苦無毒或生易陽或河西或五色黃是潘水石液也燒令有紫焰者八月九月採治婦人血結

藥性論

云石硫黃君有大毒以黑錫煎湯解之及食宿冷猪肉

味甘太陽之精鬼焰居焉伏鍊數般皆傳於作者能下氣治脚弱腎腎以冷除冷風頑痺又至用治疥癬及療寒熱欬逆鍊服主虛損壯精

藥類

云硫黃臣

日華子

云石亭脂曾青爲使畏細辛飛廉鐵壯陽道

治瘰癧冷氣補筋骨勞損風勞氣止嗽上氣及下部痔瘻惡瘡疥癬殺腹藏蟲邪魅等煎餘甘子汁以禦其毒也

圖經曰

石硫黃生

東海牧羊山谷中及泰山河西山礬石液也惟出南海諸蕃嶺外州郡或有而不甚佳以色如鴝子初出殼者爲真謂之崑崙黃其赤色

者名石亭脂青色者号冬結石半白半黑名神驚石並不堪入藥又有一種土硫黃出廣南及榮州溪澗水中流出其味辛性熱腥臭主治疥瘡

殺蟲毒又可煎鍊成汁以模鑄作器亦如鴝子黃色謹按古方書未有服餌硫黃者本經所說功用止於治瘡蝕攻積聚冷氣脚弱等而近世

遂火鍊治爲常服丸散觀其製鍊服食之法殊無本源非若乳石之有論議節度故服之其效雖緊而其患更速可不戒之

海藥

謹案廣州記云生崑崙崑崙日脚下顆塊瑩淨無夾石者良主風冷虛憊腎

冷止氣腿膝虛羸長肌膚益氣力遺精痔漏老人風秘等並宜燒煉服仙方謂之黃硃砂能壞五金亦能造作金色人能制伏歸本色服而能除万病如有發動宜以猪肉鴨羹餘甘子湯並解之蜀中雅州亦出光膩甚

好功力不及
雷公云 凡使勿用青赤色及半白半青半赤半黑者自有
船上來者 黃色內瑩淨似物命者貴也凡用四兩先以龍尾蒿

自然汁一盞東流水三盞紫背天葵汁一盞粟遂子莖汁一盞四件合之攪
令勻一坩堝用六泥固濟底下將硫黃碎之入於坩堝中以前件藥汁旋旋

添入火煮之汁盡為度了再以百部末十兩柳坤末六斤一簇草二斤細剉
之以東流水并藥等同煮硫黃灰時日滿去諸藥取出用熟甘草湯

洗了入鉢中研 **聖惠方** 治諸瘡弩肉如蛇出數寸用硫黃
二萬市方用 一兩細研於肉上薄塗之即便縮 **外臺秘**

要 千金療小兒聾耳硫黃末 **時後方** 女子陰瘡末 **經驗方** 大治元
以粉耳中日夜一差止 硫黃傳之 藏氣發

久冷腹痛虛瀉應急大効玉粉丹生硫黃五兩青鹽兩已上衮
細研以蒸餅為丸如菉豆大每服五丸熱酒空心服以食壓之 **梅**

師方 治陰生濕庖瘡取石硫黃 **博濟方** 治陰陽二毒傷寒黑龍丹
研如粉傳瘡上日三度 上硫黃一兩以柳木槌研三

兩日巴豆一兩和殼記箇數用二升鑑子一口先安硫黃鋪鑑底次安巴
豆又以硫黃蓋之醋醋半升已來澆之蓋子蓋合令緊密更以濕紙周回

固濟縫勿令透氣縫紙乾更以醋濕之文武火熬常着人守之候裏面巴
豆作聲數已半為度急將鑑子離火便入臼中急擣令細再以米醋些子

并蒸餅些小再擣令冷可丸如雞頭大若長陰毒用椒四十九粒葱白二
莖水一盞煎至六分服一丸陽毒用豆豉四十九粒葱白二莖水一盞同煎

吞一丸不 **孫尚藥** 治氣虛傷冷暴作水瀉日夜三二十行腹痛不止夏
得嚼破 月路行備急朝真丹硫黃二兩牛角研令極細枯白

礬半兩同細研勻水浸蒸餅去水脉了和丸如梧桐子大朱砂為衣每服十五丸至二十九丸米飲鹽湯下

玉亟方

王方平通靈王粉散

治腰膝暖水藏益顏色其功不可具載硫磺半斤桑柴灰五斗淋取汁煮三伏時以鐵匙抄於火上試之伏火即止候乾以大火煨之如未伏更煮以伏為度煨了研為散穿地坑一尺二寸投水於中待水清取水而硫磺水不得多於地坑中煎熬令如膏及用鐵錢二面不著火上以細砂隔紙慢抄出硫磺於紙上滴之自然如玉色光彩射人此號為玉粉散細研要丸以飯丸如麻子大空心每日鹽湯下十九丸散服亦鹽湯調兩字極有効驗余鄉人王昭遂合服之年九十顏貌如童夜視細字力倍常人

太清服鍊靈砂法

石硫磺本出波斯國南明之境稟純陽火石之

精氣而結成質性通流舍其猛毒藥品之中號為將軍功能破邪歸正返滯還清擬立陽精消陰化魄

丹房鏡源

石硫磺可乾汞訣曰此硫磺見五金而黑得水銀而赤又曰黃牙

青霞子

硫磺散癖



衍義曰

石硫磺今人用治下元虛冷元氣將絕久患寒泄脾胃虛弱垂命欲盡服之無不效中病當便已不可盡劑世人蓋

知用而為福不知用久為禍此物損益兼行若俱弃而不用當倉卒之閒又可闕乎或更以法製拒火而又常服者是亦弗思也本經則不言如此服食但專治婦人不知者往往更以酒服其可得乎或臟中久冷服之先利如病勢危急可加丸數服少則不効仍加附子

乾薑

階州雌黃



雌黃味辛甘平大寒有毒主惡瘡頭禿痂疥殺毒蠱蟲
 身癢邪氣諸毒蝕鼻中息肉下部匿瘡身面白駁散
 皮膚死肌及恍惚邪氣殺蜂蛇毒鍊之入服輕身增年
 不老令人腦滿生武都山谷與雄黃同山生其陰山有金
 精重則生雌黃採無時

陶隱居云今雌黃出武都仇池者謂為
 武都仇池黃色小赤扶南林邑者謂崑崙